

III LEZION

“Na scatola cineisa...da la frasa a la parola passan per l sintagn”

1. Fà l’analisa logica e dò chela gramaticala de chesta proposizion:

Mia madre ha raccolto le rose rosse con mia sorella più piccola.

logica:

.....

.....

.....

.....

.....

gramaticala:

.....

.....

.....

.....

.....

.....

.....

.....

.....

.....

.....

1. I sintagmes

- La frasa l'é na combinazion de paroles goernèda da régoles e la **sintassa** studia apontin chesta régoles. Canche se fèsc l'analisa logica de na frasa, e se desferenzia l soget dai desvalives complemenc e dai predicac, se tol fora coluns che l'é i elemenc (costituenc) de chesta frasa (sintagmes o frases subordenèdes che sie).
- I **costituenc** l'é donca na sort de unitèdes intermediies anter la paroles (che se individuea co l'analisa gramaticala) e la frasa entria. Chesta unitèdes à inom **sintagmes**.
- La **relazion** anter i costituenc pel esser **sintagmatica**, e chest vel dir che se vèrda coche n sintagm stèsc apede l'auter e coche l se combinea con chest; o ence **paradigmatica**, canche se vèrda coluns che l'é i etres costituenc che se pel meter al post de chel endividuà.
- Per recognoscer n sintagm se vèrda se se pel l mever e l sostituir zenza che la frasa perde n orden logich:
 - L'à scontrà [la vacia co la couda biencia e rossa].
 - [LA VACIA CO LA COUDA BIENCIA E ROSSA] l'à scontrà.
 - LA é scontrèda (la=la vacia co la couda biencia e rossa)
 - *CO LA COUDA é vedù la vacia biencia e rossa.
- I sintagmes ciapa l'inom de l'element prinzipal da chel che i é componui e chest element prinzipal vegn chiamà **cef** ('testa'). Aron donca sintagmes nominai (SN con cef inom), verbai (SV con cef verb) agetivai (SA con cef agetif) preposizionai (SPrep con cef preposizion), eci.
- I costituenc (o sintagmes) de la frasa pel esser elements nucleères (=obligatories) che ciapa inom de **argomenc** e elemenc extranucleères (=facoltatives) che ciapa inom de **circostanziai**. Chisc ùltime ge dèsc demò informazions en più a la frasa, che però la pel ence fèr zenza e esser gramaticala. Se enveze mencia n argument la frasa é agramaticala. L'é l verb che seleziona sie argomenc, l verb 'dèr' per ejempie seleziona trei argomenc:
 - Mie fra ge à dat l liber a sie amich.
 - *Mia fra à dat a sie amich.
 - *Mi fra à dat l liber.

2. Te la frasa de l'ejercizie 1 tol fora i sintagmes, recognosc l cef e segna de che sort che i é (argomenc o circostanziai):


.....

.....

2.L sintagm nominal


Vedon coche l'é fat ite de sé n sintagm tolan en conscidrazion l SN. Vigni sintagm, coche aon jà dit, l'é fat da paroles che met ensema na unità independenta e che ciapa l'inom de l'element più emportant che les compon, l cef. Tel cajo del SN l cef l'é l'inom.

Per ruèr a ge vardèr da ite ai sintagmes tel chèder de la sintassa generativa se doura la teoria X barra (X'') che la moscia la strutura tras na raprezentazion, o proiezion, a èlber:



La posizion X l'é chela del cef, te nosc cajo chela de l'inom; te Spec. (spezificator) enveze troon l'articol e l'agetif, o i agetives, che fèsc pèrt del SN, (lascion da na man te chest cajo l Compl-ement). Vigni element de chesta strutura l'é enstes na proiezion: l'agetif che stèsc te Spec, per se entener, à la valiva raprezentazion a èlber, olache l cef sarà l'agetif).

I ùltime studies de Gramatica Generativa à tacà a ipotisèr proieziions no demò per la **classes lessicales** (verbes, agetives, sostantives...), ma ence per la classes che l'é stat definì **funzionèles**. Chesta classes l'é cheles che se refers diretamente ai morfemes che aon classificà desche flessives. Per chest l'èlber del SN doventa più rich de proieziions:



Dut chest lurier de desferenziazion semper più puntuèla de la desvaliva proieziions serf per spieghèr tel menu la gramatica particolèra de vigni lengaz. Vigni parola, o miec

proiezion lessicala, cognarà dò se spostèr enlongia chest èlber per se tor sù i trac de gender e numer sporc da la classes funzionèles e troèr sia posizion ideèla.

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

Da chesta lezion é emparà:

1. che che l'è la sintassa
2. che che l'è n sintagm
3. coche l'è struturà n sintagm
4. coche l'è fat n sintagm nominal